



O municipio arousán rematará 2021 cuns 16.500 inmobles preparados para recibir todos os servizos de nova xeración de R

R conecta 131 novos inmobles de Vilagarcía de Arousa ás súas redes avanzadas

- ***Un total de 131 novos inmobles do núcleo de Guillán, no concello pontevedrés de Vilagarcía de Arousa xa poden acceder á rede a velocidades de ata 500 megas simétricos e dispoñer do resto dos servizos avanzados de R***
- ***A despregadura destas redes está subvencionada polos Fondos FEDER da Unión Europea a través do Programa de Extensión de la Banda Ancha de Nueva Generación (PEBA-Plan Avanza) do Ministerio de Asuntos Económicos y Transformación Digital.***
- ***No marco deste plan do Ministerio, a peche de ano serán 452 os fogares e negocios vilagarcíans con conexión á infraestrutura de nova xeración do operador galego.***

Mércores, 20 de outubro de 2021.- O municipio pontevedrés de Vilagarcía de Arousa conta con **131 novos fogares e negocios** do núcleo de Guillán conectados ás redes avanzadas de R. Grazas ao operador galego, todos eles poden desfrutar xa de accesos ultrarrápidos a internet de ata 500 megas simétricos e doutros servizos de telecomunicacións de última xeración.

R vén de rematar arestora un treito dos traballos de despregadura de rede neste concello da bisbarra do Salnés, aproveitando ao máximo as infraestruturas municipais do novo núcleo incorporado. Coa recente conexión destes 131 novos inmobles a cifra de residencias particulares e empresas conectadas á rede de R achégase a día de hoxe a 16.281, tendo en conta todos os inmobles vilagarcíans que o operador galego foi incorporando á súa infraestrutura dende hai máis de dúas décadas (á marxe do Plan Avanza).

No contexto do devandito plan do Ministerio a previsión fala de **452 inmobles** a peche de 2021 repartidos nos núcleos da Torre, Guillán e A Caldiguela, co que Vilagarcía comezaría 2022 con arredor de **16.465 inmobles** (Avanza + resto de despregaduras a maiores do plan) preparados para recibir todos os servizos avanzados de telecomunicacións de **R**.

10 millóns de investimento e fondos europeos

Este e outros desenvolvementos de rede na provincia de Pontevedra forman parte dun dos **tres proxectos do Plan PEBA-Avanza** do Ministerio de Asuntos Económicos y Transformación Digital dos que **R** resultou adxudicatario en 2018 para despregar a tecnoloxía FTTH en 512 núcleos de Galicia que non dispuxeran de alta velocidade ata ese momento (“zonas brancas”).

Nos tres plans **investiranse un total de 10M€**, dos cales preto de 8M€ serán subvencionados polos fondos FEDER da Unión Europea. En concreto, a despregadura no devandito núcleo de Guillán, en Vilagarcía, encádrase no proxecto destinado á extensión de redes de nova xeración en **162 núcleos do centro-oeste de Galicia** (norte de Pontevedra, sur da Coruña e oeste de Lugo) cun investimento total de 3,58M€.

Un segundo proxecto fala igualmente da despregadura de banda ancha de nova xeración con tecnoloxía FTTH, desta volta en **154 núcleos de municipios do noroeste de Galicia** (A Coruña, norte de Pontevedra e oeste de Lugo). Para estas actuacións, o investimento é de 2,6M€. O terceiro dos proxectos adxudicados desenvólvese en **196 núcleos doutros municipios do suroeste de Galicia** (Pontevedra), traballos que nestas zonas suporán un investimento total de 3,75M€.

Máis de 60.000 fogares e negocios conectados

Preto de **30.000 novos fogares e negocios** de Galicia quedarán conectados ás redes de nova xeración de **R** cando terminen as actuacións adxudicadas en 2018. A estes traballos hai que lles sumar as tarefas de extensión de redes avanzadas que desenvolveu **R** dende 2016 en virtude do outro concurso do Plan PEBA do Ministerio para lles achegar tamén a tecnoloxía FTTH a diferentes “zonas brancas” da xeografía galega; en concreto, para conectar **33.000 fogares e negocios**, cuxos servizos están xa en fase de comercialización. Deste xeito, cando finalicen os dous plans, máis de **60.000 novas residencias particulares e empresas** quedarán preparadas para recibir os servizos avanzados de **R**.

A día de hoxe, só no marco do Plan Avanza, **R** ten chegado por vez primeira coas súas redes de nova xeración a núcleos de poboación das catro provincias galegas que nunca dispuxeran de alta velocidade nos municipios do Rosal, Monterroso, Palas de Rei, Boqueixón, Porto do Son, Curtis, Cuntis, Meaño, Mos, Pobra de Trives, Pefín, Barreiros, Lourenzá, Ortigueira, Cariño, Camariñas, Muros, Cerceda, Antas de Ulla, Moraña, Guitiriz, Tomiño, Abegondo, Ribadumia, Combarro, Muxía, Valga, Vilaboa y Ponte Caldelas.

Todas estas localidades poden desfrutar de accesos ultrarrápidos a internet de 500 megas simétricos con velocidade garantida, do desco Android 4k da televisión dixital de **R** e de pura alta definición co servizo **rebobina** para ver a tele como e cando se queira.

Así mesmo, as/os clientas/es de **R** poden aforrar no seu plan de datos móbiles e conectarse de balde a arredor de 130.000 puntos da rede wificlientes **R** espallados pola xeografía galega. E todo isto, cunha atención ao/á cliente/a próxima, de calidade e sempre dende Galicia.

comunicación R
prensa@mundo-r.net
R.gal

